

چند حکایات

مشقّت جلیله اسلامیه نکت جریده رسمیه پیدر

ربیع الاول ۱۳۳۶

عدد: ۳۴

آیة بر نشر اول نور

در دینی سنہ

نطق افتتاحی، سمايون



« محترم اعيان و مبعوثان »

- « اوچنجى دوره اجتماعيه نك دردنجى اجتماعى كشاد ايدر كن عالم انسانيت اچون
 مثلى كورولماش بر فلاكت تشكيل ايلان بو حرب عمومينك سنه آخيره سى ظرفنده
 شانلى و متفق اردولرمز مناقب حماست و قهرمانلرينى بر قات دها تزيين و تزييد ايدى جك
 صورتده فرصتلى و نصرتلى بخش ايدن جناب حق حمد و ثنا ايتكى اك برنجى وظيفه
 عه ايلورم . »
- « مشترك دشمنلر نك اك جسم مقياسده تداركات ايله و بىك درلو فداكار قلر
 اختياريله غرب ساحه حربنده كيرش دكلرى تعرضلر ك عقيم قالمسنى مقابل هر جبهه ده
 يكديكرينه مظاهرت و معاونتله ظفر نهائى به طوغرى يوريه ن متفق اردولرمز شرقده
 يكي يكي فتوحاته نائل اولدقلرى كى اخيراً ايزونز جبهه سنده خائب و خاسر فرار ايدن
 ايتاليان اردوسى اوزرينه احراز ايتدكلرى مظفريتله ده نه جبهه توجيه عزم و مصرام ايدر .
 لرسه عنايت حقله نائل غلبه و موفقيت اولدقلرينى بر كره دها اثبات ايتشلردر . داخل
 وطنمزه انكيزلر ك قواى عظيمه ايله غزه جبهه سنه دفعات ايله وقوع بولان تعرضلرينه
 قهرمان اردولرمز دليرانه مقاومت ايتشلردر . ديكر جبهه لرده كى وضعيتدن بالاستفاده
 عراقده و قافقاسيه ده بر قسم اراضيمزى استيلا ايدن دشمن اردولرينى قهرمان و شجاع
 اردولر مك عنايت حق ايله حدود خارجه اته جقلرينى قوياً اميد ايدى رم . »
- « حرباً استحصال مظفريتدن نوميد اولان خصملر نك متفقلرمزى و بىزى اقتصاد »

« ساحه سنده مغلوب ایتک مقصدیله قواعد حقوق دوله مغایر اوله رق اتخاذ ایلدکری تدابیر
 « غیر مشروعه یه مقابله اولمق اوزره ضرورت حریبه ایجاباتندن اولان و مقابله بالمثل ماهیتده
 « بولنان تحت البحر محاربه سنک تشدید اوزرینه شمالی آمریکا حکومت متحده سی آلمانیا
 « حکومتنه اعلان حرب ایلش اولدیغندن بزده بحسب الاتفاق حکومت متحده مذکوره
 « ایله قطع مناسبت ایلک مجبوریتنده بولندق . »

« کوچوک ملترک خامیسی صفتی طاقیان ائتلاف دولترلی یونانستانده هر درلو قضیقات
 « و تجاوزات حقوق شکنانه ده بولنه رق اولاهیت متفق مزک سفیر لرینی و بعدده یونان قرانی
 « یونانستانک اراضیسی ترکه اجبار ایلشدر . اخیراً بو دولترک معاونت فعلیه لر یله رأ
 « کار کلان حکومت ده یونانستانک اولجه یکدیگر نندن مفترق اولان ایکی قسمی برلشم
 « اولدین و بالقان جهه حربنده کی مخاصماته متعدد یونان آلایلی اشتراک ایلش بولندیق
 « وسیله سیله دول متفق ایله ادامه مناسباتی تجویز ایتیه رک بزده و متفق مملکتلرده بولنار
 « یونان سفیر و قونسولسلرینی کیری جلب ایلدی . پاپا حضرتلری طرفدن ملتر آره سنده
 « برآن اوله تأسیس وفاق و مخادنت ایلیه رک بهوده آراهه دمه مانع اولمق مقصد علوی سیله
 « بالجمله مخاصم دولتر حکمداران ورؤسانه کوندریلان نوطه ده کی تکلیفی کال صمیمیتله
 « قبول ایتدک . بز حربه موجودیتیزی و بالجمله اراضیمز اوزرنده کی حقوق استقلال
 « و حاکمیتیزی مطلق و قطعی صورتده محافظه ایتک و سر بستی انکشافیزی هر درلو تأثیرات
 « و مداخلاتدن آزاده اوله رق تأمین ایلک مقصد مشروعه یله دوام ایتکده بولندیغمندن
 « مشارالیه حضرتلرینه متفق لر مزله بالاستشاره بو اساسات دائره سنده جواب اعطا ایلدک . »

« دول متفق ایله اولان مناسبات سیاسییه مز کیتدکجه متراید صمیمیت و مودت
 « و هر وسیله ایله تأید ایدن متقابل بر اعتماد و امنیت ایله دوام ایلکده در . صادق
 « و معظم متفق حشمتلو آلمانیا امپراطوری حضرتلرینک پایتخت مزه و قوعبولان زیارت
 « اخیره لری بو صمیمیت و مخالصتک ا بارز بر دلیل جدیدینی تشکیل ایلشدر . بو سیاحت
 « حکمدار مشارالیه حضرتلرینک حق مزده کی غایت قیمتدار حسیات دوستانه لرینک
 « و مناسبات متقابل مزده موجود اولان آهنگ و ائتلاف تامک مطمئن بر صورتده تظاهرینه
 « وسیله اولمشدر . »

« بی طرف دولترله مناسباتمز کافی السابق دوستانه و خالصانه اولمقده بر دوامدر . »

« قومشومز ایران دولت اسلامیہ سنک هر درلو تجاوزات استیلاکارانه دن مصون »
 « اوله رق استقلال تام دائره سنده اعتلا وانکشافی آخص آملزدر. حرب عمومینک هریرده »
 « تولید ایلدیکی مشکلات ومصائبدن مملکت مزده بالضروره متأثر اولمقده ایسه ده ملتیزک »
 « متخلق اولدینی صبر وثبات وتحمل ، فداکارلق ، وطنپرورلک حسیات وفضائلی قسم »
 « اعظمی موفقیتله کچشدیرلش اولان بو حیات ومیات مبارزه سنده صوکنه قدر دوام ایده- »
 « جکمزه ذره قدر شبهه بر اقامقده در . حربک حیات اقتصادی مز اوزرنده اجرا ایتدیکی »
 « تأثیرات عمیقہ بی ممکن اولدینی قدر تخفیف ایچون استحصالات ملیہ منزک تزییدینه »
 « چالیشلمقدن کیروطورلامقده واقتصاد یاتمزک انکشاف آتیبی ایچون ده ایجاب ایدن تدابیره »
 « توسل اولنمقده در . تشبثات اقتصادی ایچون ملتیمک کوستردیکی کوندن کونه متزاید »
 « شوق وفعالیت قلبی لبریز سرور ایتکده در . »
 « حربک امور ومعاملات مالیه مز اوزرینه اولان تأثیراتی تعدیل ایچون اوغراشلمقده »
 « وبوسنه مجلسکزه تودیج اولونان موازنه عمومیہ قانون لایحه سیله دیگر بعض لوایح قانونیه »
 « تزیید وارداته متعلق تدابیری احتوا ایلکده در . کرک بونلری کرک امور داخلیه وعدلیه »
 « ایلہ سائر دوائرہ عائد اوله رق تودیج . ایدیلہ جک لایحه لری لایق اولدقلری اهمیت »
 « وسرعتله تدقیق ایلکزی همتکزدن بکلم . »
 « جناب حقک تعالیٰ وطن وملت اوغورنده مصروف اوله جق مساعیکزی موفقیتله »
 « تویج بو پورسنه دعالر ایدہ رک مجلس عمومی بی کشاد ایلرم . »

